

"Қазақстан Республикасының Бактериологиялық (биологиялық) және токсинді қарулар жасауға, өндіруге және оның қорларын шоғырландыруға тыйым салу және оларды жою туралы конвенцияға қосылуы туралы" Қазақстан Республикасы Заңының жобасы туралы

Қазақстан Республикасы Үкіметінің 2005 жылғы 16 наурыздағы N 235 Қаулысы

Қазақстан Республикасының Үкіметі **ҚАУЛЫ ЕТЕДІ:**

"Қазақстан Республикасының Бактериологиялық (биологиялық) және токсинді қарулар жасауға, өндіруге және оның қорларын шоғырландыруға тыйым салу және оларды жою туралы конвенцияға қосылуы туралы" Қазақстан Республикасы Заңының жобасы Қазақстан Республикасының Парламенті Мәжілісінің қарауына енгізілсін.

Қ а з а қ с т а н Р е с п у б л и к а с ы н ы ң

Премьер-Министрі

Жоба

**ҚАЗАҚСТАН РЕСПУБЛИКАСЫНЫҢ
ЗАҢЫ Қазақстан Республикасының Бактериологиялық
(биологиялық) және токсинді қарулар жасауға,
өндіруге және оның қорларын шоғырландыруға
тыйым салу және оларды жою туралы конвенцияға
қосылуы туралы**

Қазақстан Республикасы 1972 жылғы 10 сәуірде Мәскеуде, Лондонда және Вашингтонда жасалған Бактериологиялық (биологиялық) және токсинді қарулар жасауға, өндіруге және оның қорларын шоғырландыруға тыйым салу және оларды жою туралы конвенцияға қосылсын.

Қ а з а қ с т а н Р е с п у б л и к а с ы н ы ң

Президенті

Бактериологиялық (биологиялық) және токсинді қарулар жасауға, өндіруге және оның қорларын шоғырландыруға тыйым салу және оларды жою туралы конвенция (Москва - Лондон - Вашингтон, 1972 жылғы 10 сәуір)

Осы конвенцияға қатысушы мемлекеттер,
жаппай қырып-жоятын қарудың барлық түрлеріне тыйым салумен және жоюмен

бірге, жалпыға бірдей және толық қарусыздану жолындағы тиімді прогреске жету мақсатында бел шеше кіріскен, химиялық және бактериологиялық (биологиялық) қарулар жасауға, өндіруге және оның қорларын шоғырландыруға тыйым салудың және оларды тиімді шаралар жолымен жоюдың қатаң да тиімді халықаралық бақылау арқылы жалпыға бірдей және толық қарусыздануға жетуге ықпал ететініне сене
о т ы р ы п ,

1925 жылғы 17 маусымда Женевада қол қойылған Тұншықтыратын, улы немесе басқа да осы сияқты газдар мен бактериологиялық құралдарды соғыста қолдануға тыйым салу туралы хаттаманың маңызды мәнін, сондай-ақ көрсетілген хаттаманың соғыс қасіретін азайту ісіне қосқан және қосып келе жатқан үлесін мойындай отырып,

аталған хаттаманың принциптері мен мақсаттарына деген өзінің адалдығын білдіре және барлық мемлекеттерді оларды қатаң сақтауға шақыра отырып,

Біріккен Ұлттар Ұйымы Бас Ассамблеясының 1925 жылғы 17 маусымда Женева хаттамасының принциптері мен мақсаттарына қайшы келетін барлық іс-әрекеттерді бірнеше мәрте айыптағанын ескерте отырып,

халықтар арасындағы сенімді тереңдете түсуге және халықаралық ахуалды тұтастай сауықтыруға ықпал етуді қалап,

сондай-ақ Біріккен Ұлттар Ұйымы Жарғысының мақсаттары мен принциптерін жүзеге асыруға ықпал етуге ұмтыла отырып,

тиімді шаралар жолымен мемлекеттердің арсеналынан химиялық және бактериологиялық (биологиялық) агенттерді пайдаланатын қарулар сияқты жаппай қырып-жоятын қауіпті қаруды алып тастаудың маңыздылығы мен кезек күттірмейтіндігіне сенімді бола отырып, бактериологиялық (биологиялық) және токсинді қаруларға тыйым салу туралы келісімнің сонымен бірге химиялық қаруды жасауға, өндіруге және оның шоғырландырылуына тыйым салу жөніндегі тиімді шаралар туралы келісімге келу бағытындағы алғашқы мүмкін қадам болып табылатынын мойындай отырып, осы мақсатпен келіссөздер жүргізуді жалғастыруға б е л ш е ш е к і р і с і п ,

барлық адамзат үшін бактериологиялық (биологиялық) агенттерді немесе қару түріндегі токсиндерді пайдалану мүмкіндіктерін толығымен жоюға бел шеше кірісіп,

мұндай пайдаланудың адамзаттың ар-намысына қайшы келетініне және осы қауіпті азайту үшін ешқандай да күш-жігерді аямау керектігіне сене отырып, мыналар туралы келісті:

I бап

Осы конвенцияға қатысушы әрбір мемлекет ешқашан, ешқандай жағдайда:

1) микробиологиялық немесе басқа да биологиялық агенттер мен токсиндерді, шығу тегі немесе өндіру әдісі қандай болса да, профилактикалық, қорғаныс немесе басқа да

бейбіт мақсаттарда қолдануға болмайтын түрлерін соншалықты мөлшерде;

2) осындай агенттер мен токсиндерді дұшпандық мақсаттарда немесе қарулы қақтығыстарда қолдануға арналған қаруды, құрал-жабдықты немесе жеткізу құралдарын жасамауды, өндірімеуді, шоғырландырмауды, өзге де бір жолдармен сатып алмауды және сақтамауды міндетіне алады.

II бап

Осы конвенцияға қатысушы әрбір мемлекет өзі иелік ететін немесе оның юрисдикциясында немесе бақылауында тұратын, конвенцияның I бабында көрсетілген барлық агенттерді, токсиндерді, қаруды және жеткізу құралдарын мүмкіндігінше жедел, бірақ конвенция күшіне енгеннен кейін тоғыз айдан кешіктірмей, жоюды немесе бейбіт мақсаттарға жұмсауды міндетіне алады. Осы баптың ережелерін орындау кезінде халықты және қоршаған ортаны қорғау мақсатында абай болудың барлық қажетті шаралары қолданылуы тиіс.

III бап

Осы конвенцияға қатысушы әрбір мемлекет кімге болса да тікелей, жанама түрде, қалай да болмасын, қандай да бір мемлекетке, мемлекеттер тобына немесе халықаралық ұйымдарға көмектеспеді, көтермелемеді және қандай да бір өзгеше тәсілмен конвенцияның I бабында көрсетілген кез келген агенттерді, токсиндерді, қаруды және жеткізу құралдарын өндіруге немесе сатып алуға итермелемеді міндетіне алады.

IV бап

Осы конвенцияға қатысушы әрбір мемлекет өздерінің конституциялық рәсімдеріне сәйкес, қайда болса да оның юрисдикциясында немесе бақылауында тұратын, осындай мемлекет аумағының шегінде, конвенцияның I бабында көрсетілген агенттерді, токсиндерді, қаруды және жеткізу құралдарын жасауға, өндіруге немесе сатып алуға тыйым салу және алдын алу бойынша қажетті шаралар қабылдауды міндетіне алады.

V бап

Осы конвенцияға қатысушы әрбір мемлекет конвенцияның мақсатына немесе ережелерінің орындалуына байланысты туындауы мүмкін кез келген мәселені шешуде бір-бірімен консультация алысуды және ынтымақтастық орнатуды міндетіне алады. Осы бапты орындау үшін консультациялар мен ынтымақтастықты жолға қою Біріккен Ұлттар Ұйымы шеңберіндегі тиісті халықаралық рәсімдерді пайдалану және оның Жарғысына сәйкес жүзеге асырылуы мүмкін.

VI бап

Қандай да бір басқа қатысушы мемлекет конвенция ережелерінен өрбитін міндеттемелерді бұза отырып іс-әрекет етуде деп мәлімдеген осы конвенцияға қатысушы кез келген мемлекет Біріккен Ұлттар Ұйымының Қауіпсіздік Кеңесіне шағым беруіне болады. Мұндай шағымда оның негізділігін растайтын мүмкін болған барлық дәлелдер, және оны Қауіпсіздік кеңесінде қарау туралы өтініш болуға тиіс.

Осы конвенцияға қатысушы әрбір мемлекет Біріккен Ұлттар Ұйымы Жарғысының ережелеріне сәйкес Кеңес қабылдаған шағымның негізінде Қауіпсіздік Кеңесі жүргізуі мүмкін кез келген тергеу жұмыстарына қатысуды міндетіне алады. Қауіпсіздік кеңесі конвенцияға қатысушы мемлекеттерді тергеу нәтижелері туралы хабарландырып отырады.

VII бап

Осы конвенцияға қатысушы әрбір мемлекет Біріккен Ұлттар Ұйымының Жарғысына сәйкес, конвенцияға қатысушының кез келгені өтініш жасаса, егер Қауіпсіздік Кеңесі мұндай қатысушыға конвенцияны бұзудың нәтижесінде қауіп төнді деп шешім шығарса, көмек беруді немесе қолдау көрсетуді міндетіне алады.

VIII бап

Осы конвенциядағы ережелердің қайсысы болмасын, 1925 жылғы 17 маусымда Женевада қол қойылған Тұншықтыратын, улы немесе басқа да осы сияқты газдар мен бактериологиялық құралдарды соғыста қолдануға тыйым салу туралы хаттамаға сәйкес кез келген мемлекет қабылдаған міндеттемелерді қандай да бір шектеулі немесе жалынышты тұрғыда түсіндірілмеуі тиіс.

IX бап

Осы конвенцияға қатысушы әрбір мемлекет химиялық қаруға тиімділікпен тыйым салудың танылған мақсатын растайды және осы мақсатта ақ ниетпен таяу болашақта оны әзірлеуге, өндіру мен қорын көбейтуге тыйым салу және оны жою жөніндегі тиімді шаралар туралы және химиялық агенттерді қару ретінде өндіруге немесе пайдалануға арналған құрал-жабдықтар мен жеткізу құралдарына қатысты тиісті шаралар туралы келісімге қол жеткізу үшін келіссөздерді жалғастыруды міндетіне алады.

X бап

1. Осы конвенцияға қатысушы мемлекеттер ең толық көлемінде мүмкін болатын құрал-жабдықтармен, материалдармен, бактериологиялық (биологиялық) құралдарды және токсиндерді бейбіт мақсаттарда пайдалану туралы ғылыми және техникалық ақпарат алмасуға ықпал етуді міндетіне алады және мұндай алмасуға қатысуға құқылы. Осыған жағдайы келетін конвенцияға қатысушы мемлекеттер сондай-ақ жекеше немесе басқа мемлекеттермен яки халықаралық ұйымдармен бірлесіп, ауруларды болдырмау үшін немесе басқа да бейбіт мақсаттар үшін бактериология (биология) саласындағы ғылыми ашылымдарды одан әрі әзірлеу мен қолдануға жәрдем көрсетуге қатысатын болады.

2. Осы конвенция, бактериологиялық (биологиялық) агенттер мен токсиндерді қайта өңдеу, бейбіт мақсаттарда пайдалану немесе өндіру үшін бактериологиялық (биологиялық) агенттермен және токсиндермен халықаралық алмасуды қоса алғанда, конвенцияға қатысушы мемлекеттердің экономикалық немесе техникалық дамуына яки бейбіт бактериологиялық (биологиялық) қызмет саласындағы халықаралық ынтымақтастыққа кедергі келтірмеу жолымен жүзеге асырылады.

XI бап

Кез келген қатысушы мемлекет осы конвенцияға түзетулер ұсынуына болады. Түзетулер, осы түзетулерді қабылдайтын әрбір қатысушы мемлекет үшін, оларды конвенцияға қатысушы мемлекеттердің көпшілігі қабылдағаннан кейін, ал кейіннен қалған қатысушы мемлекеттер үшін олардың осы түзетулерді қабылдаған күні күшіне енеді.

XII бап

Осы конвенция күшіне енгеннен кейін 5 жылдан соң немесе бұл мерзімнен ерте, егер де мұны конвенцияға қатысушылардың көпшілігі осы мақсатпен депозитарий-мемлекеттерге ұсыныстар беру арқылы талап ететін болса, Женевада (Швейцария) конвенцияның қалай жұмыс істеп жатқанын қарау үшін, ережелерді қоса алғанда, конвенцияның кіріспесі мен ережесінде мазмұндалған химиялық қару туралы келіссөздерге қатысты мақсаттардың жүзеге асып жатқандығына сенімді болу үшін конвенцияға қатысушы мемлекеттердің конференциясы шақырылады. Мұндай қарау кезінде конвенцияға қатысы бар барлық жаңа ғылыми-техникалық жетістіктер назарға алынуға тиіс.

XIII бап

1. Осы конвенцияның мерзімі шексіз болып табылады.
2. Осы конвенцияға қатысушы әрбір мемлекет өзінің мемлекеттік егемендігін

жүзеге асыру ретінде егер де ол конвенцияның мазмұнына байланысты ерекше жағдайлар оның елінің жоғары мүдделеріне қатер төндірді деп шешсе, конвенциядан шығуға құқылы. Мұндай шығыс туралы ол конвенцияға қатысушы барлық басқа мемлекеттер мен Біріккен Ұлттар Ұйымының Қауіпсіздік Кеңесін үш ай бұрын хабардар етеді. Мұндай хабарламада ол оның жоғары мүдделеріне қатер төндіру ретінде қарайтын ерекше жағдайлар туралы мәлімдеме болуға тиісті.

XIV бап

1. Осы конвенция барлық мемлекеттердің қол қоюы үшін ашық. Конвенцияға ол күшіне енгенше қол қоймаған кез келген мемлекет осы баптың 3-тармағына сәйкес оған кез келген уақытта қосыла алады.

2. Осы конвенция оған қол қойған мемлекеттердің бекітуіне жатады. Бекіту грамоталары мен қосылу туралы құжаттар осымен депозитарий-үкіметтер ретінде тағайындалатын Ресей Федерациясының, Ұлыбритания мен Солтүстік Ирландияның Біріккен Корольдігінің және Америка Құрама Штаттарының үкіметтеріне тапсырылады.

3. Осы конвенция үкіметпен қоса, конвенцияның депозитарийлері болып тағайындалған жиырма екі үкіметтің бекіту грамоталарын сақтауға тапсырғаннан кейін күшіне енеді.

Конвенция 1975 жылғы 26 наурызда күшіне енді.

4. Қосылу туралы бекіту грамоталары немесе құжаттары Осы конвенция күшіне енгеннен кейін сақтауға тапсырылатын мемлекеттер үшін ол олардың қосылу туралы бекіту грамоталары немесе құжаттары сақтауға тапсырылған күні күшіне енеді.

5. Депозитарий үкіметтер кешіктірмей осы конвенцияға қол қойған және қосылған барлық мемлекеттерді әрбір қол қою күні, әрбір бекіту грамотасы мен құжатты сақтауға тапсырған күн, конвенция күшіне енген күн туралы, сондай-ақ олардың басқа да хабарламаларды алғандығы туралы хабарландырып отырады.

6. Осы конвенцияны Біріккен Ұлттар Ұйымы Жарғысының 102-бабына сәйкес депозитарий үкіметтер тіркейтін болады.

XV бап

Орыс, ағылшын, испан, қытай және француз мәтіндері бірдей түпнұсқалық болып табылатын осы конвенция депозитарий үкіметтердің мұрағаттарына сақтауға беріледі. Депозитарий үкіметтер конвенцияның тиісті дәрежеде расталған көшірмелерін конвенцияға қол қойған және оған қосылған мемлекеттердің үкіметтеріне жібереді.

Осыны растау үшін, оған тиісті дәрежеде өкілетті, төменде қол қоюшылар, осы конвенцияға қол қояды.

Мәскеу, Лондон және Вашингтон қалаларында, 1972 жылдың 10-күні үш данада

ж а с а л д ы .

/қолдар/

© 2012. Қазақстан Республикасы Әділет министрлігінің «Қазақстан Республикасының Заңнама және құқықтық ақпарат институты» ШЖҚ РМК